

PAVLI PRINCIPIS DE
LA SCALA ET HVN, MARCHIONIS
VERONAE, &c. DOMINI CREVTZBURGI PRVS-
SIAE. MISCELLANEORVN DE RERVN CAVSSIS, ET SVC-
cessibus & de secretiore quadam Methodo qua euerfiones om-
nium regnorum vniuerfi orbis, & futurorum series
erui possint, Libri septem.

ITEM CERTISSIMA METHODVS, QVA HOMINES PALAN-
tes, & erroribus turbulentis impliciti, ad viam veritatis reuocandi, & ad bea-
titudinem consequendam promouendi veniant.

*Contra Centurias Euangelicæ veritatis, Ioannis
Nasi Minorita.*

Deinde oratio de instauranda Romanæ Ecclesiæ doctrina, cum Epi-
stola qua omnes abditæ artes & scientiæ perstringuntur, & per-
fectissima ratio prophetandi, & miracula ope-
randi traditur.



COLONIAE,
Ex Officina Typographica Theodori Graminæi.
ANNO M. D. LXX.
Coll. Soc. Iesv Salm. ex dono Regum.

INVICTISSIMO GLO-
RIOSISSIMO QVE SACRI ROMA-
NI IMPERII IMPERATORI, CAESARI, DIVO
MAXIMILIANO HVIVS NOMINIS SECVNDO, RE-
gi totius Orientis, Patri Patriæ, Catholico, felici, au-
gusto. Paulus Princeps de la Scala &
Hun, &c. se supplex
commendat.



Vltra iam tria transacta sunt, Cæsar
Maximiliane, potētissime Princeps,
& benignissime Pater patriæ, quod
in aula vestra Encyclopædiam con-
scripserim, & patri tuo catholicissi-
mo, felicissimo, et augustissimo prin-
cipi, Imperatori Cæsari Ferdinando, cuius memoria, nō
potest mihi, non esse per omnem meam ætatem, quàm
iucundissima, dedicauerim atq; consecrauerim: quam
cum in meo hoc acerbissimo exilio, quo me omnia cum
fortuna deseruisse videntur, in manus resumpsissem, &
adolescentiæ meæ foeturam paulo altius expendissem,
deprehendi multa, subobscurius ibi tradita, ab homi-
nibus importunis, Zoilis, & Momis, pro sua libidine in
quamcunque partem torqueri, quæ ab euidentiore, &
illustriore interpretatione, & expositione non abhor-
rerent. Itaque expositionem dilucidiorum multorum
locorum, & variarum quæstionum ac rerum, quæ in eo
opere continentur, causas, & successus, Miscellanea in-
scripsi, tuoq; nomini, simul & mentē meam, & fidem, &

PAVLI PRINCIPIS DE LA SCALA ET HVN. MARCHIONIS

VERONAE, &c. DOMINI CREVTZBURGI IN PRVS-

sia. Miscellaneorum de rerum causis & suc-
cessibus, Liber primus.

DE ORATIONE ANACRITICA:

Caput primum.



*Symbulus. Encyclopediæ volumen Dryme, proximi-
mis nundinis, Oporini viri doctissimi industria &
sedulitate, euulgatum, apud Bibliopolam nostrum,
fortè vbi diligentius inspexissem, et varijs arcanis
refertum non sine magna voluptate, veluti diu satis
expectatũ, deprehendissem: tanto eius libri desiderio tenebar, &
indies magis ac magis allectus plurimarum quas complectitur re-
rum magnitudine, lectione quoque continua, non modò afficiebar:
sed etiam peruehementer operis summa admiratione, in quo non
potui, non esse occupatissimus, monebar: vt mihi illud quampri-
mũ: neque comparauerim duntaxat, aut pulchrè compactum in
numerum meorum librorum retulerim, & tineis rodendum sicut
plerunque fieri solet, commiserim: quin seriò euoluere & quoad fi-
eri poterit familiarius reddere, propero: id vbi & tu feceris, ope-
ram meam haudquaquam improbabis. Drymus. Bene habet.
Huic tuo tam fideli consilio libenter obtemperabo. Porrò quò mi-
nus istud subitò curauerim, & tardior in assentiendo atq; morem
tibi gerendo fuerim: libri difficultas, quam vel à fronte facile est
cernere, me terruit. Sicubi ergò opera tua in explicandis et soluend-
is nodis eguero, confido, aderis. Et tantò libentius mihi persuade-
ri patior: quantò animum tuum erga me synceriorẽ hæctenus sem-*

A per

PAVLI PRINCIPIS DE
LA SCALA ET HVN. MARCHIONIS
VERONAE, &c. DOMINI CREVTZ-
BVRGI PRVSSIAE.

CERTISSIMA METHODVS, QVA HOMINES
palantes, & erroribus turbulentis impliciti, ad viam veritatis
reuocandi, & ad beatitudinem consequendam
promouendi veniant.

Contra Centurias Euangelicæ veritatis,
Ioannis Nafi Minoritæ.



*A demum magna voluptas est Nafe, æqualem ac
parem verbis vitam agere, neq; quicquam tam ob-
scenum dicere, cui non ab initio pueritiæ, omni ge-
nere facinoris ætas tua respondeat, vt omnis ora-
tio moribus consonet. Neque enim qui ita viuut, vt
tu, aliter ac tu, loqui potest: neq; qui tam illoto sermone utitur, vi-
ta honestior est. Certè insignis cuiusdam malitiæ est, gratis, nul-
loq; suo commodo velle perdere, à quo quis non est iniuria lacessi-
tus. At tuo etiam malo immines in malum eius, quem & religio,
& omnium populorum leges atque consuetudines in tutelam suam
seuocarunt. Christianum decet vestigia sequi Christi, qui natura
bonus ac beneficus, ouem erraticam reportat ad ouile, morbidam
sanat, extinctam ad vitam reuocat, inimicos etiam suos blasphem-
os, in sanctum nomen suum, amore suo præuenit, & ad salutem
eternam inuitat. Tu odio insatiabili erga proximum, à quo nun-
quam lesus es, nihil aliud moliris, quàm vt quàm plurimos te-
cum in exitium pertrahas. Qua in re non Christi legem, non
Francisci institutum imitaris, sed potius diaboli, hostis nihil non
molien-*

PAVLI PRINCIPIS DE
 LA SCALA ET HVN, MARCHIONIS
 VERONAE, &c. DOMINI CREVTZBURGI PRVS-
 SIAE. ORATIO DE INSTAVRANDA ROMANAE
 & Catholicæ Ecclesiæ doctrina in
 Prussia.

REVERENDISSIMO AC ILLVSTRIS-
 SIMO IN CHRISTO PATRI AC DOMINO DO-
 MINO STANISLAO HOSIO, SANCTAE ROMANAE ECCLIE-
 siæ Tit. S. Theodori Cardinali, & Episcopo Varmienti, &c. Paulus
 princeps de la Scala & Hun. &c.
 S. P. D.



Vintus tandem agitur annus Reuerendissime ac Il-
 lustrissime Præsul, quod à Duce Prussiae, optimæ &
 felicissimæ memoriæ, domino & propinquo meo,
 Colendissimo, in negotijs Ecclesiæ & Reip. publica
 Regis Polonorum, domini nostri Clementissimi, se-
 curitate munitus, legatione, ad varios Europæ prin-
 cipes, susceperim, & interea ne obulum quidè à quoquã mortalium,
 aut quicquam beneficij acceperim, quin potius omnes, & spes priua-
 tas meas, pro Ecclesia Romana & Repub. Prussiae, & quodammodo
 cum fortunis etiam fidem & valetudinem in nihilum redegerim, spe-
 rans fore vt præmia virtutibus proposita reportarem. quod quàm
 contrà euenerit, non puto te latere, siquidem id vniuersa Europa &
 nouit, & admiratur. Et sanè satis mirari nequeo, quod tam iusta cau-
 sa, ipsimet iudici legitimo, totque clarissimis Iudicijs & Iurisconsul-
 tis, qui in Germania, Italia, Gallia &c. habentur longè clariores,
 probata, tantum deliberationis, atq; difficultatis patiat. vt tot non
 tantum meis precibus, quàm optimi atque Reuerendissimi, & Illu-
 strissimi principis, & Domini, Domini Ioannis Comitis de Hoya,
 Dei gratia Episcopi & principis, Monasteriensis, Osnaburgensis &
 Paderbornensis diocesum, suspiciendissimi, Catholici, pij, & acerrimi
 Apostolicæ, & S. Romanæ Sedis, & Ecclesiæ defensoris, instaura-
 Rrr toris,

Paulus Scaliger, Lectori S.



Edita opera cādidē lector, hoc opere Miscell. quas-
dam phrasēs Encyclopædiæ retinuimus, quod hac
truculenta temporum conditione, passim boni ma-
lorum moribus æstimentur, & quicquid ab usum
in Ecclesia Romana sapit, ipsimet Ecclesiæ Ro-
manæ attribuat. Quocirca ut bonorum & malorum apud insanū
vulgus, & temerariam plebem, discrimen euidentē appareat, per
peruersos Christianæ religionis antistites, fol. 168. homines atheos
significauimus, qui non canonicè eliguntur, sed aut per fenestram
ascendunt: aut per fauores hominum, aut per emptitias voces.
aut per imperium principum, rapiunt patrimonium Christi: aut
vi & armis sibi Episcopatum peruersè propter opes Ecclesiæ ven-
dicant, & bona pauperum deripiunt, atque in priuatos vsus con-
uertunt, indeque suis contra Ecclesiæ statuta diuitias, honores, di-
gnitates, delicias, ornatum, pompam fastum, cumulant, & id ge-
nus alia, quæ alibi fusius tractauimus. Fol. 169. Per sedem Roma-
ni Scorti absit ut Apostolicam & Pontificiam sedem putemus.
Illos autem hoc nomine notamus, qui in Romana Ecclesia Cathe-
dra Euangelizandi, procaci, & petulanti lingua abutuntur, &
qui vix prima elementa literarum hauserunt, homines planè abe-
cedarij, stentoreā voce in bonos, pios, Catholicos & cordatos viros
debaçantur, quæue non assequuntur fædis sannis excipiunt, &
stolidi ignotos lares carpunt, sacrasq; literas pro libidine curuant,
& omnem prophetiam ex Ecclesia tollūt, Deiq; dona quæ meritò
apud Christianos, & perfectiora, & cumulatiora sunt, quàm apud
Iudæos, prorsus explodunt. quos lib. Instit. Philosoph. alias perstrin-
ximus. Per sedem Romani scorti item, significamus eos, qui simo-
nias exercent, & vi illa pecuniæ, sedem Apostolicam labefactāt,
& scortantur dum luxuriant rebus secundis, atq; hæreticos perse-
quentes, hæreticis magno scandalo Ecclesiæ cōtra Catholicos, &